

亥21

46(3)-4

2.

十七

本草經讀下



神農本草經讀卷三

閩吳航陳念祖修園甫著

中品

男元豹道彪古愚全校字

乾薑氣味辛溫無毒主胸滿欬逆上氣溫中止血出汗逐風濕痺
腸辟下痢生者尤良

陳修園曰乾薑氣溫稟厥陰風木之氣苦溫而不烈則得沖和
之氣而屬土也味辛得陽門燥金之味苦辛而不偏則金能生
水而轉潤矣故乾薑為臟寒之要藥也胸中者肺之分也肺寒
則金失下胃之性氣壅于胸中而滿也滿則氣上所以欬逆上



氣之症生焉其主之者辛散溫行也中者土也土虛則寒而必
能溫之止血者以陽虛陰必走得煖則血自歸經也出汗者辛
溫能發散也逐風濕痺者治寒邪之留于筋骨也治腸胃下痢
者除寒邪之陷于腸胃也已上諸治皆取其雄烈之用如孟子
所謂剛大浩然之氣塞乎天地之間也生則辛味渾全故又申
言曰生者尤良卽金匱治肺痿用甘草乾薑湯自注炮用以肺
虛不能驟受過辛之味炮之使辛味稍減亦一時之權宜非若
後世炮黑炮灰全失薑之本性也葉天士亦謂炮黑入腎何其
陋歟

生薑氣味辛微溫無毒久服去臭氣通神明

陳修園曰。凡藥氣溫屬厥陰風木。大溫爲熱屬少陰君火。微溫
稟春初之木氣。則專入足少陽膽經也。味辛屬陽明燥金。大辛
屬手太陰肺。手陽明大腸。微辛爲上中之金。則專入足陽明胃
經也。仲景桂枝湯等生薑與大棗同用者。取其辛以和肺衛得
棗之甘以養心營合之能兼調營衛也。真武湯茯苓桂枝湯用
之者。以辛能利肺氣。氣行則水利。汗止肺爲水之上源也。大小
柴胡湯用之者。以其爲少陽本經之藥也。吳茱萸湯用之者。以
其安陽明之氣。陽明之氣以下行爲順而嘔自止矣。少陰之氣
上交于陽明中土而利亦止矣。凡此之類。本經雖未明言。而仲
景于氣味中獨悟其神妙也。久服去臭氣通神明者。以臭氣爲

濁陰之氣神明爲陽氣之靈言其有扶陽抑陰之效也今人
知其散邪發汗而不知其有匡正止汗之功每于真武湯近效
白朮湯輒疑生薑而妄去之皆讀書死于句下之過也又猶家
每遇方中有生薑則曰素有血疾或曰曾患眼赤及喉痺等症
不敢輕服是亦自置死地也又何怨哉

葱白氣味辛平無毒作湯治傷寒寒熱中風面目浮腫能出汗

陳修園曰葱白辛平發汗大陽爲寒水之經寒傷于表則發熱
惡寒得葱白之發汗而解矣風爲陽邪多傷于上風勝則面目
浮腫得葱白之發汗而消矣此猶人所易知也至于仲景通脈
四逆湯面赤者加葱非取其引陽氣以歸根乎白通湯以之命



名者。非取其葉下之白。領薑附以入腎宮。急救自利。無脈命在。頃刻乎。二方皆回陽之神劑。回陽先。在固脫。仲師豈反用發汗之品。學者不參透此理。總屬誤人之庸醫。

當歸氣味苦溫無毒。主欬逆上氣。溫瘧寒熱。洗洗在皮膚中。婦人漏中絕子。諸惡瘡瘍。金瘡煮汁飲之。

家說 各當歸氣溫稟木氣而入肝。味苦無毒。得火味而入心。其主

欬逆上氣者。心主血。肝藏血。血枯則肝木挾心火而刑金。當歸入肝養血。入心清火。所以主之也。肝為風。心為火。風火為陽。陽盛則為但熱不寒之溫瘧。而肺受風火之邪。肺氣怯不能為皮毛之主。故寒熱洗洗在皮膚中。當歸能令肝血足而風定。心血



足而火息則皮膚中之寒熱可除也。肝主藏血補肝即所以經
漏也。手少陰脈動甚爲有子補心即所以種子也。瘡瘍皆屬火
火血足則心火息矣。金瘡無不失血血長則金瘡瘳矣。煮汁飲
之四字別言先聖大費苦心謂中焦受氣取汁變化而赤是謂
血當歸煮汁滋中焦之汁與地黃作湯同義可知時傳炒燥土
炒反涸其自然之汁大失經旨

芎藭氣味辛溫無毒主中風入腦頭痛寒痺筋攣緩急金瘡婦人
血閉無子

陳修園曰芎藭氣溫稟春氣而入肝味辛無毒得金味而入肺
風爲陽邪而傷于上風氣通肝肝經與督脈會于巔頂而爲病

芩藟辛溫而散邪所以主之血少不能熱膚故生寒而爲痺血少不能養筋故筋結而爲攣筋縱而爲緩筋縮而爲急芩藟辛溫而活血所以主之治金瘡者以金瘡從皮膚以傷肌肉芩藟稟陽明金氣能從肌肉而達皮膚也婦人以血爲主血閉不通則不生育芩藟辛溫通經而又能補血所以治血閉無子也淫羊藟氣味辛寒無毒主陰痿絕傷莖中痛利小便益氣力强志

羊脂
拌炒

陳修園曰淫羊藟氣寒稟天冬水之氣而入腎味辛無毒得地之金味而入肺金水二藏之藥細味經文俱以補水藏爲主陰者宗筋也宗筋屬於肝木木遇烈日而痿一得氣寒之羊藟卽

如得甘。露而挺矣。絕傷者。絡脉絕而不續也。金匱云。絡脈者。陰精陽氣所往來也。羊藿氣寒。味辛。具水天之氣。環轉運行而能續之也。莖玉莖也。火鬱于中。則痛熱者。清之以寒。鬱者。散之以辛。所以主莖中痛也。小便主于膀胱。必假三焦之氣化而出。三焦之火盛。則孤陽不化。而爲溺短溺閉之症。一得羊藿之氣。寒味辛。金水相涵。陰氣濡布。陽得陰而化。則小便利矣。肺主氣。腎藏志。孟夫子云。夫志氣之帥也。潤肺之功。歸于補腎。其益氣力。強志之訓。即可于孟夫子善養剛大之訓悟之也。第此理難與時醫道耳。

葉天士云。淫羊藿浸酒。治偏風不遂。水涸腰痛。

荊芥氣味辛溫無毒主寒熱鼠瘻癰癰生瘡破積聚氣下瘀血除濕疸。

荊芥氣溫稟木氣而入肝膽味辛無毒得金味而入肺氣勝于味以氣為主故所主皆少陽相火厥陰風木之症寒熱往來鼠瘻癰癰生瘡等症廼少陽之爲病也荊芥辛溫以發相火之鬱則病愈矣飲食入胃散精于肝肝不散精則氣滯而爲積聚肝藏主血血隨氣而運行肝氣一滯則血亦滯而爲瘀廼厥陰之爲病也荊芥辛溫以達肝木之氣則病愈矣其除濕疸者以疸成于濕荊芥辛溫而兼辛辛入肺而調水道水道通則濕疸除矣今人炒黑則變爲燥氣而不能達失其辛味而不能發且謂

爲產後常用之品。昧甚。

麻黃氣味苦溫無毒。主中風傷寒。頭痛溫瘧。發表出汗。去邪氣。

止欬逆。上氣除寒熱。破癥堅積聚。去節根。

陳修園曰。麻黃氣溫。稟春氣而入肝。味苦無毒。得火味而入心。

心生汗。肝主疎洩。故爲發汗上藥。其所主皆係無汗之症。太陽

症中風傷寒。頭痛發熱惡寒。無汗而喘。宜麻黃以發汗。但熱不

寒。名曰溫瘧。熱甚無汗。頭痛亦宜麻黃以發汗。欬逆上氣爲手

太陰之寒症。發熱惡寒爲足太陽之表症。亦宜麻黃以發汗。卽

癥堅積聚爲內病。亦係陰寒之氣凝聚于陰分之中。日積月累

而漸成。得麻黃之發汗。從陰出陽。則癥堅積聚自散。凡此皆發

汗之功也。○根節古云止汗是引止汗之藥以達于表而速效。非麻黃根節自能止汗。舊解多誤。

葛根氣味甘辛平無毒。主消渴身大熱。嘔吐諸痺。起陰氣。解諸毒。○葛穀氣平味甘無毒。主痢十歲以上。

葉天士曰。葛根氣平。稟天秋平之金氣。入手太陰肺經。味甘辛。無毒。得地金土之味。入足陽明燥金胃。其主消渴者。辛甘以升騰胃氣。氣上則津液生也。其主身大熱者。氣平爲秋氣。秋氣能解大熱也。脾有濕熱則壅而嘔吐。葛根味甘升發胃陽。胃陽鼓動則濕熱下行而嘔吐止矣。諸痺皆起于氣血不流通。葛根辛甘和散氣血。活諸痺自愈也。陰者從陽者也。人身陰氣脾爲之。

原脾與胃合。辛甘入胃。鼓動胃陽。陽健則脾陰亦起也。甘者土之冲味。平者金之和氣。所以解諸毒也。

張隱菴曰。元人張元素謂葛根爲陽明仙藥。若太陽初病用之。反引邪入陽明等論。皆臆說也。余讀仲祖傷寒論方有葛根湯。治太陽病。項背几几。又治太陽與陽明合病。若陽明本病止有白虎承氣諸湯。並無葛根湯證。况葛根主宣通經脉之正氣。以散邪。豈反引邪內入耶。前人學不明經。屢爲異說。李時珍一概收錄。不加辯正。學者看本草發明。當合經論參究。庶不爲前人所誤。

黃芩氣味苦寒無毒。主諸熱黃疸。腸澼洩痢。逐水下血。閉惡瘡疽。

蝕火瘍

陳修園曰黃芩與黃連黃蘗皆氣寒味苦而色黃主治大暑相
似大抵氣寒皆能除熱味苦皆能燥濕色黃者皆屬土土黃而
明亮者則屬于金金借土之色以爲色故五金以黃金爲貴也
但黃芩中空似腸胃腸爲手陽明胃爲足陽明其主諸熱者指
腸胃諸熱病而言也黃疸爲大腸經中之鬱熱腸澼洩痢者爲
大腸腑中之鬱熱逐水者逐腸中之水下血閉者攻腸中之蓄
血惡瘡疽蝕火瘍者爲肌肉之熱毒陽明主肌肉瀉陽明之火
卽所以解毒也本經之言主治如此仲景于少陽經用之于心
下悸易茯苓于腹痛易芍藥又于本經言外別有會悟也

元參氣味苦微寒無毒主腹中寒熱積聚女子產乳餘疾補腎氣
令人明目

陳修園曰元參所以治腹中諸疾者以其啟腎氣上交心肺得
水天一氣上下輪轉之妙用也張隱菴詮解甚妙詳于丹參注
中其云主產乳餘疾者以產後脫血則陰衰而火無所制治之
以寒涼既恐傷中加之以峻補又恐拒隔惟元參清而帶微補
故爲產後要藥令人明目者黑水神光屬腎補腎自能明目也
丹參氣味苦微寒無毒主心腹邪氣腸鳴幽幽如走水寒熱積聚
破癥除瘕止煩滿益氣
張隱菴曰丹參元參皆氣味苦寒而得少陰之氣化但元參色

黑。稟少陰寒水之精。而上通于天。丹參色赤。稟少陰君火之氣。而下交于地。上下相交。則中土自和。故元參下交于上。而治腹中寒熱積聚。丹參上交于下。而治心腹寒熱積聚。君火之氣下交。則土溫而水不泛溢。故治腸鳴幽幽如走水。破癥除瘕者。治寒熱之積聚也。止煩滿益氣者。治心腹之邪氣也。夫止煩而治心邪。止滿而治腹邪。益正氣。所以治邪氣也。

陳修園曰。今人謂一味丹參功兼四物湯。共認為補血行血之品。爲女科之常藥。而丹參之真功用掩矣。

丹皮氣味辛寒無毒。主寒熱中風。癰癰驚癇邪氣。除癥堅瘀血。留舍腸胃。安五藏。療癰瘡。

陳修園曰丹皮氣寒稟水氣而入腎味辛無毒得金味而入肺
心火具炎上之性火鬱則寒火發則熱丹皮稟水氣而制火所
以主之肝爲風臟中風而害其筋則爲癱瘓中風而亂其魂則
爲驚癇丹皮得金味以平肝所以主之邪氣者風火之邪也邪
氣動血留舍腸胃瘀積癰堅丹皮之寒能清熱辛能散結可以
除之肺爲五臟之長肺安而五藏俱安癰瘡皆屬心火心火降
而癰瘡可療

防已氣味辛平無毒主風寒溫瘧熱氣諸癰除邪利大小便

述防已氣平稟金之氣味辛無毒得金之味入手太陰肺經風
寒溫瘧者感風寒而患但熱不寒之瘧也熱氣諸癰者心有熱